



12 MARZ 2015

**Guido Ratti** glivra sia carriera da speaker tar l'Olympia Bobrun. Ziev'avair discurreiu al microfon da la bobrun daspö l'an 1979, e que cun granda paschiun e grandischem success, ho Guido Ratti annunzcho da Chalandamarz – aint il microfon s'inclegia – cha que saja sto sia ultima stagiun scu speaker.



17 MARZ 2015

**Melanie Claluna** expuona illa Grotta da cultura a Sent.



18 MARZ 2015

**Las Lodolas** a Sent. Insembl cul Trio Steidle han concertà Las Lodolas in baselgia a Sent. Els han sport ün program fich varià.



19 MARZ 2015

**Chasa Jaura** cun nouv program da l'on. Tista Murk es stat l'iniziant e fundatur da la Chasa Jaura. In occasiun dal 100avel giubileum esa previs d'onurar ils gronds merits da Tista Murk cun plüssas occurrenzas. In avegnir starà Robert Grossmann a disposiziun per la realisaziun dal program da l'on. L'exposiziun d'art da quist on vain fatta insembl culs artists Not Vital e Laura Bott.



23 MARZ 2015

**Aua.** Referat da Moritz Leuenberger a Scuol. Urs Wohler ed Ernst Bromeis han darcheu organisà ün'eivna da l'aua da l'ONU a Scuol.

24 MARZ 2015

**Clau Solèr**, professor da rumauntsch a Genevra, vo in pensiun.



25 MARZ 2015

**Reediziun da comics** da Paulin Nuotclà. La CER e l'UdG haun reedieu cumünaivelmaing üna collecziun dals comics da Paulin Nuotclà.

26 MARZ 2015

**Pan** cun vegl gran grischun. Da l'on 2009 es gnü instradà ün proget per cultivar darcheu veglias sorts da gran grischunas. Il sem da quistas sorts gran d'eira gnü conservà in ün institut specialisà in Norvegia. Il pair da Sent Marco Bettini ha semnà il gran indigen.

